



Nucleus Juris Canonici

Thenhaven, Bernhard

Coloniæ Agrippinæ, 1739

V. De Præbendis & Dignitatibus. D. 38. S. 41. C. 6. El. 1. EC. 14.

[urn:nbn:de:hbz:466:1-63382](https://nbn-resolving.de/urn:nbn:de:hbz:466:1-63382)

T I T U L U S V.

De Præbendis & Dignitatibus.

Nota 1. PRÆBENDAM, quæ est jus percipiendi redditus Ecclesiasticos, differre i. A *Canoniam*, quæ est jus quoddam spirituale, quod ex receptione alicujus in fratrem seu *Canonicum* oritur, tribuitque stallum in choro & vocem in Capitulo, si sit in Sacris constitutus, ad colligendum Episcopum; cui C. 9. b.t. mandat Pontifex: „Præbendam vacantem vel primò vacaturam assignari, quia non est congruum, ut Præbendâ careat, qui in *Canonicum* noscitur esse receptus. Et C. 19. Portionem quotidianam seu distributiones sine diminutione exhiberi; & tales dicuntur *Canonici* in herbis, habentes jus ad rem; Præbendati verò, *Canonici* in floribus. Verùm hodie in Germania regulariter non recipitur quis in *Canonicum* supernumerarium sine Præbenda *Canonicali*; qui ob defectum residentiæ aliudve impedimentum carent perceptione fructuum, vocantur *Canonici Domicellares*. 2. A *Pensione*, quæ non obligat ad spirituale ministerium. Unde Præbenda propriè est beneficium. Quid & quotuplex hoc sit? Vide in *Nucl.*

Theol. Exam. 18. n. 1. Quænam requirantur ad validam beneficii erectionem, ut auctoritas Episcopi, Dos congrua, Ecclesia vel Capella, cui adscribendum? &c. Vide apud *Leur. in Foro benef. p. I. q. 13. & seqq.* in quo doctissimè pertractat omnem materialem beneficialem.

2. Nota 2. Ex Præbendis seu beneficiis alia esse DUPLICIA, quæ habent annexam aliquam qualitatem juris, nempe vel *Dignitatem*, quæ est præminentia cum jurisdictione in foro externo circa alios Clericos vel laicos, ut Decanatus, Archidiaconatus, Vicariatus Episcopi, licet non sit beneficium, quia de se non est perpetuus, &c. vel *Personatum*, qui est præminentia sine jurisdictione, quam habet ille, qui præ cæteris Canonicis sui Ordinis, estò senioribus, prærogativam habet in Choro, Capitulo, Optionibus aut Professionibus, v. g. Præpositus, Vice-Dominus, &c. vel *Officium*, quod sine præminentia & jurisdictione habet annexam administrationem aliquam, v. g. Cellerarii; Thesauraria in quibusdam Capitulis est Dignitas vel Personatus, in aliis tantum Officium; vel *Curam animalium* pro foro duntaxat interno, dicunturque curata, v. g. Pastoratus aut Vicariatus illius perpetuus. Alia SIMPLICIA, quæ nullam habent

ex

ex dictis annexam qualitatem, sed solum
obligationem Divina peragendi, v.g. Mis-
sas legendi, in Choro assistendi, &c. ut
Canonicatus & Capellaniæ, quanquam
in Rescriptis Apost. juxta c.4. b.t. in 6. no-
mine beneficij simplicis non veniat Ca-
nonicatus Cathedralis. *An beneficium, cui
annexum est onus administrandi Sacra-
menta & adjuvandi Rectorem in cura, sit
dicendum simplex vel curatum?* Vide Leur.
loc.cit. q. 32. n. 7.

3. Nota 3. Affectionem beneficij esse
vinculum & impedimentum, vi cuius
Papa illud ad se avocat, ut à nullo inferio-
re validè conferri possit; fitque dupliciter,
nempe vel per RESERVATIONEM, sive con-
tentam in Corpore Juris clauso, i.e. Decre-
talibus, Sexto vel Clementinis; sive extra
Corpus Juris clausum, i.e. in Extravagan-
tibus aliisque Bullis Pontificiis posteriori-
bus, fitque verbis expressis, ut si Papa di-
cat: *Reservamus Nobis.* Et plerūmque pro
semper. Vel PER APPPOSITIONEM MANUS PON-
TIFICIÆ, quæ respicit actum realem seu
factum, quo Papa incipiens disponere
de aliquo beneficio impedit Ordinarium,
ut pro ea vice illud conferre nequeat,
v.g. si beneficium suæ collationis det
in Commendam alicui inhabili ob defe-
ctum qualitatis requisitæ ad obtinendum

330 LIBER III. TITULUS V.
illud viâ ordinariâ in titulum, sed viâ ex-
traordinariâ & tacitè dispensativâ habi-
litato ad obtainendum illud per modum
Commendæ; tunc enim mortuo Com-
mendatario manet affectum usque ad ple-
nam ejus provisionem, ut docet *Garzia*
apud *Engel. b.t.n. 14.* contra alios. Item
si Papa acceptavit resignationem validam
apud se factam; privet Clericum beneficio
Patronatûs Ecclesiastici; prohibeat Ele-
ctoribus, ne procedant ad electionem novi
Prælati &c.

4. Verùm affectio locum non habet,
si Papa apposuerit manum ad alium ef-
fectum quàm conferendi, v. g. ad im-
ponendam pensionem; aut si falso narratum
sit collationem spectare ad Papam, qui
non vult præjudicare juri Tertiî, v. g. Pa-
tronî laici aut Turnarii; item si Papa ma-
nus apponat super beneficio resignato,
cujus resignatio est sub - vel obreptitia,
v. g. si resignans tacuerit, se illius Ti-
tulo esse ordinatum; aut Resignatarius
tacuerit beneficia præhabita; si enim tunc
ante literas sanotorias aut *Perinde valere*
Resignans moriatur, beneficium non est
affectum, sed vacat per obitum resignan-
tis, ut ex tunc ordinario collatori vel Tur-
nario competat jus conferendi, quia Papa
tunc non apposuit manum, nisi in ordine

ad illud conferendum Resignatario, ut
cum communi Corr. *Prax. Benef. L. 5. c. 1.*
n. 69. Garz. p. 5. c. 1. &c. Idem est, si Re-
signatarius expeditis literis *in Forma Gra-*
nosa vel Dignum reperiatur inhabilis,
ideoque beneficium consequi non possit,
tunc enim non abdicatur jus à resignante;
(nisi resignârit in favorem inhabilis, con-
scius illius inabilitatis) quia resignatio
conditionalis non abdicat jus à resignan-
te, nisi purificatâ conditione per effectua-
tionem resignationis in resignatario, ut
docent DD. apud Leur. *in Foro Benef. p. 3.*
q. 240. Vide *L. I. T. 9. n. 7.* Notabiliora
h. t. sunt:

5. I. *In Decret. c. 2.* „Episcopus duo-
rum alterum eligat, vel non faciat Cle-
ricalos; vel si fecerit, det illis, unde vivere
„possint. C. 4. Episcopus, si aliquem sine
„certo titulo sustentationis ordinaverit
„in Diaconum aut Presbyterum, ei tam
„diu necessaria subministret, donec ei
„conveniens stipendium Clericale in ali-
„qua Ecclesia designet, nisi talis ordina-
„tus de sua vel paterna hereditate sub-
„sidium vitae habeat. Unde etiam titulum
patrimonii ad sacros Ordines sufficere,
expressè statuitur *h. t. c. 23.* Vetat autem
Trid. *sess. 21. de Ref. c. 2.* „Ordinari Cle-
ricostitulo patrimonii vel pensionis, nisi
„Epi-

„Episcopo perspectum sit, patrimonium
 „illud vel pensionem verè ab eis obtineri,
 „ac ad vitam sustentandam sufficere; at-
 „que illa deinceps sine licentia Episcopi
 „alienari aut extingui vel remitti nulla-
 „tenus possint, donec beneficium Eccle-
 „siaisticum sufficiens sint adepti, vel aliun-
 „de habeant, unde vivere possint. Vide
Nuc. Theol. Exam. 27. n. 7. §. 8.

6. C. 26. „Cùm Episcopus ex vacante
 „Præbenda duas constituens, ad illas de-
 „assensu Capituli duos Canonicos assum-
 „psisset, respondit Pontifex: Quia Con-
 „cilium Turonense sectionem inhibet
 „Præbendarum, teneri Episcopum Præ-
 „bendam integrare, nisi ex rationabili
 „causa de una Præbenda duæ fuerint con-
 „stitutæ, ac tot sint utriusque proventus,
 „ut utrique provisum sit competenter.
 Unde sicut Episcopus potest ex causa, jux-
 ta c. 33. b.t. unire beneficia, v. g. si ob-
 tenuitatem reddituum non sufficiant ad
 sustentationem plurium, ita quoque ex
 causa potest unum secare in plura, aut
 etiam dismembrare, abundantes redditus
 unius alteri tenui assignando; aut ex iis
 constitutere Præstimonium, v. g. pro pau-
 peribus Clericis, ut studiis vacent. Vide
infra Tit. 12.

7. Famoso Cap. *De multa 28. b.t.* statuit
 Pon-

„Pontifex, ut accipiens beneficium cura-
„tum, si prius tale habebat, eo sit ipso jure
„privatus; ac si forte illud retinere con-
„tenderit, etiam alio spolietur. Is quo-
„que, ad quem prioris spectat collatio,
„illud post receptionem alterius libere
„conferat alteri idoneo, ac si ultra sex
„menses conferre distulerit, ad alium fe-
„cundū Lateran. statutum devolvatur.
„Hoc idem observandum in Personati-
„bus & Dignitatibus, ut nullus plures ha-
„bere præsumat, et si curam non habeant
„animatorum. Circa sublimes tamen & lite-
„ratas personas, cum ratio postulaverit,
„per Sedem Apost. poterit dispensari.
Hanc Constitutionem Trid. sess. 7. de Ref.
c. 4. extendit ad quævis beneficia incom-
patibilia, saltem de jure seu primi gene-
ris. *An autem, si quis obtineat aliud bene-
ficium incompatibile secundi generis (de
quo in Nucl. Theol. l. c n. 3. §. 1.) ipso jure
vacet primum?* Affirmat Garz. citans va-
rias Declarationes, eò quod talis post ob-
tentam possessionem secunditacitè & ipso
facto censeatur renuntiare priori. Negat
Navarrus, docens, tales tantum cogendos
ad dimittendum alterutrum, quod
maluerint, infra mensem, cuius senten-
tiam in praxi tutam censet Wagn. ad b.c.
Pirrb. b.t. n. 149. Verum quia juxta c. 5.
b. s.

„b.t. multitudo Præbendarum est Cano-
 „nibus inimica, Trid. sess. 24. de Ref. c. 17.
 „mandat, ut imposterum unum tantum
 „beneficium Ecclesiasticum singulis con-
 „feratur; quod quidem, si ad vitam ejus,
 „cui confertur, honestè sustentandam
 „non sufficiat, liceat nihilominus aliud
 „simplex sufficiens, dummodo utrumque
 „personalem residentiam non requirat,
 „eidem conferri. Hinc etiam posset quis
 duos Canonicatus Cathedrales in Germa-
 nia, si uterque non exigat nisi tres vel
 quatuor menses residentiæ, simul obti-
 nere sine dispensatione, ut prior insuffi-
 ciens non vacet per obtentionem secundi,
 estò sufficientis. *An possit quis simul habe-*
re plura insufficientia beneficia quam duo?
 Vide apud Lac. l. 4. n. 901. Saltem non
 potest Episcopus dispensare, ut quis ha-
 beat simul duo beneficia sufficientia, quia
 inferior nequit dispensare in lege superio-
 ris, licet possit v. g. Parocho ob necessita-
 tem vel utilitatem Ecclesiæ dare Eccle-
 siam vicinam in commendam tempora-
 lem, (non perpetuam) seu modo provi-
 forio ad tempus v. g. semestre, juxta c. 15.
de elect. in 6.

8. Denique c. 30. b.t., cum os bovis al-
 ligari non debeat triturantis, sed qui
 altari servit, debeat vivere de altari,
 „man-

„mandat Pontifex, ut abolitâ consuetudine, quâ Episcopi vel patroni Ecclesiærum parochialium, proventus ipsarum sibi vendicantes, Presbyteris illarum relinquunt adeò exiguum portionem, ut ex ea congruè nequeant sustentari, portio Presbyteris ipsis assignetur sufficiens. Parochus verò Ecclesiæ suæ non per Vicarium, sed per seipsum deserviat, nisi fortè Dignitati vel Præbendæ majoris Ecclesiæ talis cura sit annexa; is enim, cùm oporteat eum in majori Ecclesiæ deservire, in Parochiali idoneum & perpetuum habeat Vicarium, assignatâ ei congruâ de Ecclesiæ proventibus portione. Vide L. I. T. 28. n. 2.

9. II. In 6. statuuntur sequentia c. 2. h.t.
CLEMENS III. inviolabiliter observari statuit: „Ut Ecclesiæ, Dignitates, Personatus aut beneficia apud Sedem ipsam (i. e. *per obitum in curia*) „, deinceps vacatura præter Rom. Pontificem nemo deinceps alicui conferre præsumat; si secus factum fuerit, decernitur irritum & inane. Verùm c. 3. statutum Clemens III. Greg. X. ità moderatur: „Ut ii, ad quos eorundem beneficiorum & Dignitatum spectat collatio, demum post mensem à die, quo vacârit, numerandum ea conferre valeant. Et C. 34. Boni-

„ficius

„ facius VIII. declarat , Statutum hoc
 „ Clementis de Beneficiis in Curia vacan-
 „ tibus soli Papæ reservatis locum habere
 „ & in Beneficiis , quæ quivis ad Rom. Cu-
 „ riam venientes vel inde recedentes ob-
 „ tinent , si in vicinia Curiæ moriantur,
 „ perinde ac si in loco , ubi residet Curia,
 „ morerentur. Loca verò vicina hīc in-
 „ telliguntur , quæ ultra duas dietas lega-
 „ les à loco , ubi moratur Curia , non di-
 „ stant. Hæc Reservatio localis , seu orta
 ex vacatione per obitum in loco Curiæ vel
 vicino, videtur unica esse clausa in Corpo-
 re Juris. Cæteræ enim Reservationes ortæ
 vel ex ipsa beneficij qualitate , v. g. quia
 habet annexam primam Dignitatem ; vel
 ex tempore, quia v. g. vacat in mense Pon-
 tificio ; vel ex persona , quæ v. g. est Car-
 dinalis, Episcopus vel familiaris Papæ &c.
 factæ sunt per Extravagantes aut Constitu-
 tiones Apost. posteriores.

10. Circa hæc notant DD. 1. Non com-
 prehendi sub hac Reservatione locali be-
 neficia vacantia per obitum in Curia, quæ
 ad Jus - Patronatūs laicorum spectant.
 2. Collatorem ordinarium elapso mense
 posse conferre beneficium unicè per obi-
 tum in Curia vacans , (secùs , si ex alio ca-
 pite insuper sit Papæ reservatum) et si Pa-
 pa nesciverit vacare beneficium ; si vero
 etiam

eriam alio modo sit Papæ reservatum, quia
v.g. vacavit in mense Pontificio, Collator
ordinarius intra tempus à jure expressum
non posset illud conferre. 3. Per Dietam
legalem intelligi viginti milliaria Italica,
seu quatuor circiter Germanica. 4. Per
Curiam Romanam intelligi locum, ubi
est ipse Papa; & præterea, ubi est causa-
rum & literarum Apostolicarum audien-
tia. Ita *Wagn. in cit. Capitibus b.t.*

II. C. 4. „Quamvis alias in beneficiis
„plenissima interpretatio sit facienda, lite-
„ræ tamen super beneficiis obtainendis,
„cùm sint ambitiosæ, debent restringi;
„ideo cùm alicui Papa mandat provideri
„in aliqua Ecclesiarum Civitatis vel Diœ-
„cesis, ad Ecclesiam Cathedralem id non
„extenditur. Neque juxta C. 16. ad bene-
„ficia curata, si de animarum cura men-
„tio non sit habita; neque juxta C. 27.
„& 29. ad præbendam Sacerdotalem, si
„Papa mandet provideri tali de non sa-
„cerdotali; aut vacante Præbendâ non
„sit ejus ætatis, in qua ad sacerdotalem
„possit promoveri. Neque ad Præben-
„dam electivam, si nulla electionis facta
„sit mentio, juxta c. 1. in *Clement. b.t.*
„Non enim ejusmodi mandata debent ad
casus alios quam expressos extendi.

12. C. 5. statuitur: „Cùm de beneficio
Y „Ec-

„ Ecclesiastico sacerdotali Papa jubet alicui
 „ provideri, id debet intelligi de illo, quod
 „ ab uno vel pluribus Clericis sacerdotalibus
 „ tanto tempore continuè ac pacificè fuit
 „ gubernatum, quantum ad legitimam
 „ præscriptionem complendam suffici,
 „ et si ante Religiosi illud obtinuerint. Ex
 quo patet, statum beneficii per præscri-
 ptionem 40 annorum posse mutari è Re-
 gulari in sacerdotalem, & econversò, v.g.
 si Collator in collatione dicat Regulari
Confero tibi beneficium Regulare; & sacer-
 dotali Clerico: *Confero tibi beneficium sacer-
 dotalis*, licet ex Fundatione non sit illius qua-
 litatis, modò uterque bona fide procedat,
 & ab uno vel pluribus 40 annis taliter pos-
 sideatur, ut notat *Pirb. b.t. n. 122.* An an-
 tem possit quoque præscribi contra onera,
 v.g. numerum Missarum aliásque condi-
 tiones in Fundationibus beneficio clare ap-
 positas? Controvertunt DD. apud *Lac.L.*
 n. 852. Aliqui affirmant arg. *Capitis c.*
 Alii negant, eò quod præsumi debeat, be-
 neficiatum ex Fundatione cognovisse le-
 ges beneficii, adeoque malâ fide neglexi-
 se, nisi ostendat dispensationem vel pri-
 vilegium. Saltem Beneficiatus contra se
 non præscribit plura onera, quia *actus per*
errorem gestus non nocet erranti. L. si per
errorem ff. de Jurisdict. N. D. Juxta com-

munem Beneficiarum Regulam: *In*
beneficiis ultimus status est attendendus.
Nam id tantum valet, quando de statu an-
teriori est dubium, seu non constat con-
trarium ex Fundatione vel authenticis
documentis; ita ut contra priorem statum
non sit legitimè præscriptum.

13. C. 17. rescribit Pontifex: „Si tibi
„absenti Episcopus conferat beneficium,
„quamvis, donec id ratum habueris, jus
„in ipso beneficio, ut tuum dici valeat,
„non acquiras; Episcopus tamen vel alius
„Collator, nisi consentire recuses, alteri
„conferre validè non poterit; assignato
„autem ad consentiendum competente
„termino, nisi consenseris, eo elapso be-
„neficium alteri liberè potest conferri.

C. 18. „Qui beneficium curatum vi occu-
„pat, sive se scienter injustè intrudit in eo,
„ipso jure est privatus beneficio, quod
„cum cura simili prius obtinebat. Insuper
„violenti qui propriâ auctoritate Digni-
„tates, Personatus, aliâque beneficia Ec-
„clesiaстica occupare non verentur, eo
„ipso jus, si quod in beneficiis taliter oc-
„cupatis vel ad ea ipsis forsitan compete-
„bat, amittunt. INTRUSUS dicitur, qui ab-
„que legitimo titulo accipit, vel retinet
„beneficium; VIOLENTUS verò, qui post
„collationem sibi factam propriâ auctori-

tate capit possessionem, pristinum possessorum per vim expellendo, quod non licet; quamvis talis possit tunc pacifice capere possessionem juris, si v.g. cui à Collatore mandata est installatio seu inducione in possessionem, id negligat, aut alii eam injuste impedian. Ita *Wagn.* ad h.c. De jure tamen communi nullum capienda possessionis tempus præfixum est, ut notat *Lac.* n. 458. Adeoque relinquitur arbitrio prudentum, quanto tempore Collatarius omittens capere possessionem censeatur beneficium velle pro derelicto.

14. C. 20. „Si beneficia, quæ per Sedem Apost. conferuntur aut reservantur, contingat ab ordinariis Collatoribus collationem Papæ aut reservationem, ignorantibus aliquibus conferri, & beneficiis, quæ antea tenebant, ideo illis dimitti, eaque sic dimissa per Collatores aliis assignari, ne ignorantia inculpabilis ipsis præjudicet, statuit Pontifex: ut, si de re postea certiores absque difficultate beneficia sic sibi collata dimittant, collatione aliis factâ nequaquam obstante, liberè ad primi beneficia revertantur; secus, si difficultates fuerint in illis dimittendis. Et C. 21. rescribit Pontifex: „Dispensationem su-

per pluralitatem beneficiorum non pro-
dese illi, qui quantumcumque modi-
cum in ea subticuerit obtainenda. Item
cum obtinenti beneficium de alio in-
compatibili provideri contingit, per hoc
cum ipso, ut primum cum secundo re-
tinere valeat, non intelligi dispensatum;
sed id solum, quod gratia facta non
sit subreptitia. Unde ad utrumque re-
tinendum requiritur expressa dispen-
satio.

15. C. 23. „Si motu proprio Papa ali-
cui beneficium obtinenti confert aliud,
nullam habitam mentione prioris, non ideo
gratia hujusmodi ex mera liberalita-
te procedens invalida est; secus, si ad
petitionem illius vel alterius pro eo-
dem oblatam Pontifex hujusmodi gra-
tiam facit, tunc enim taciturnitas quan-
tumcumque modici beneficii illam fa-
cit subreptitiam; motu autem proprio
tunc solum gratia fieri censetur, cum
hoc expressum fuerit in literis. Vide

L. I. T. 3. n. 4. C. 26. „Si tibi Episco-
pus beneficium vacans curatum ha-
benti aliud simile conferat, æquum
est, ut quamdiu ipsius fructus non per-
cipis, primum non debeat reputari va-
care. Et C. 28. Licet Episcopus benefi-
cium curatum, postquam quis alterum

„ curatum recepit & pacifice possidet, vel
 „ per eum stetit, quominus ejus possessio-
 „ nem caperet, alteri de jure conferre pos-
 „ sit; non debuit tamen hunc, illo non vo-
 „ cato, cum forsan jus habeat retinendi
 (v.g. per privilegium vel dispensationem,
 aut quia nondum percipit fructus secun-
 di beneficij) „ in possessionem inducere
 „ corporalem. Ex quibus colligitur, ad
 vacationem primi beneficij incompati-
 bilis per assecutionem secundi non suffi-
 cere solam hujus collationem & accepta-
 tionem, sed praeterea requiri, ut sit asse-
 cutus possessionem fructuosam ad con-
 gruam sustentationem; & pacificam de
 jure seu non litigiosam, ne talis puniatur
 bis in idipsum, amissione prioris benefi-
 cii & periculo amittendi etiam posterius
 propter ancipitem litis aleam. Unde etiam
 per obtentionem Episcopatus Titularis
 non vacant beneficia præhabita.

16. C. 33. „ Cum singula Officia Eccle-
 „ siastica singulis personis sint conferen-
 „ da, prohibet Pontifex, ne Religiosi plu-
 „ ribus Prioratibus præesse præsumant.
 „ Hinc si Religiosus Prioratum obtainens
 „ alium similem recipiat, priore sit ipso
 „ jure privatus, & statim dimittere debeat;
 „ quod si non fecerit, eo ipso ineligibilis
 „ efficiatur, & tanquam ambitiosus ab

„ utro.

let, vel
ffessio.
rrepol.
non vo.
inendi,
ionem,
secun-
ducere
ur, ad
mpati-
n suffi-
cepta-
fit asse-
ad con-
cam de
uniatur
benefi-
osterius
e etiam
titularis
Ecce-
nferen-
osi plu-
sumant
btinens
sit iplo
debeat;
igibilis
sus ab
,, utro-
utróque omnino removeatur. Unde
scut in Ecclesiis Cathedralibus & Col-
legiatis sunt incompatibiles plures Digni-
tates, ita & in Religionibus, quia in iis ea-
dem ratio locum habet, ut notat *Pirrb.*
l. n. 177. & seqq. Tales Dignitates juxta
Sannig b. t. c. 7. sunt Generalatus, Com-
missariatus Generalis, Provincialatus,
Guardianatus & Præsidentiatus; non verò
Definitoriatus vel Vicariatus Conventūs.

17. C. 35. „Si Apostolicâ Sede vacante
aliquas Parochias vacare contigerit, ne
earum vacatio diutina periculum ani-
mabus afferat, per Ordinarios Collato-
res liberè ordinentur, non obstantibus
Constitutionibus de beneficiis apud Se-
dem vacantibus. Idem fiat de beneficiis
curatis ibidem vacantibus vivente Pon-
tifice, si de ipsis ante suum obitum nihil
ordinârit. Huic Constitutioni non est
derogatum per Extrav. posteriores, ut
docet *Pirrb. b. t. n. 338.* Verum si Sede va-
cante vacent apud Sedem beneficia non
curata, Neo - Pontifex illa post suam ele-
ctionem adhuc intrâ mensem conferre
potest, eò quod licet tempus istud unius
mensis currat ignorantis Papæ, non tamen
Sedi vacanti. Et C. 36. „Si cui generatim
conceditur facultas aliquibus in certa
Ecclesia conferendi beneficia ad Papam

„devoluta, hujusmodi specialis gratia,
 „quam decet esse mansuram, non expirat
 „etiam Re integrâ per obitum conceden-
 „tis; secus est de potestate providendi
 „certæ personæ in illius, non in provi-
 „dentis, gratiam; hæc enim expirat, si
 „concedens re integrâ moriatur. Vide
 infra Regulam 15. Cancellariæ.

18. III. In Clement. c. 3. b. t. „Si plures
 „Dignitates obtainens, aliam similem vel
 „beneficium curatum sine legitima di-
 „spensatione accipiat, post habitam pos-
 „sessionem pacificam posterioris sive ul-
 „timi beneficii Dignitates priores ipso
 „jure vacant; sicut si Dignitatem unicam
 „obtinenti alia similis conferretur, ejus
 „pacifica possessione habitâ prima de jure
 „vacaret. Vide supra Cap. 28. n. 7. & Cap. 26.
 & 28. in 6. n. 15.

19. IV. In Extrav. JOANNIS XXII. Fa-
 mos. Capite: *Execrabilis* un. h. t. „Exe-
 „crabilis plurium Dignitatum & bene-
 „ficiorum Curatorum ambitio ac dispen-
 „sationes desuper extorqueri solitæ, ut
 „limitentur, statuit Pontifex I. quod ob-
 „tinentes nunc ex dispensatione plures
 „Dignitates, Personatus, Officia, Pri-
 „tus aut beneficia, quæ sine dispensatione
 „obtinere non poterant, unum tantum
 „curatum cum Dignitate, Personatu vel
 „Off.

Officio sine cura retinere possint; cætera verò beneficia sive cum cura, sive sine cura, quæ ex dispensatione obtinebant, à tempore notæ hujus Constitutionis intra mensem coram Ordinario dimittere tenentur, alioquin tam his quam aliis beneficiis, quæ virtute hujus moderationis retinere poterant, simul ipso jure sint privati, & prorsus inhabiles ad alia beneficia obtainenda reputentur. 2. Qui plura talia beneficia simul sine dispensatione retinent, omnia sic detenta, illo duntaxat reten-^{to}, quod receperunt postremò, (dummodo collatio fuerit Canonica) intra mensem itidem coram Ordinario dimittant, sub iisdem pœnis. 3. Qui deinceps receperint Dignitatem vel Personatum, sive officium aut aliud beneficium curatum, si ante simile obtinebant, illud (quo ipso jure, si possessio nem secundi habuerint, vel per ipsos steterit, quo minus habeant, privati sunt) coram Ordinario dimittere debent pari modo, alioquin ex tunc sint ipso jure privati secundo, & nedum ad sacros suscipiendos Ordines, sed etiam ad obtainendum quocunque beneficium Ecclesiasticum sint inhabiles. 4. Omnia & singula beneficia ejusmodi

„vacatura, ut præmittitur, vel dimissa
„Pontifex sibi & Sedis Apost. dispositioni
„refervat. *Utrum autem Pontifex tali*
casu non tantum secundum, sed etiam pri-
mum sibi reservet? Controvertunt Ca-
nonistæ apud Engel b. t. n. 13. 5. „Per
„Ordinarios Pontifex hîc intelligit Epi-
„scopos, in quorum Diœcesibus sunt
„beneficia sic dimitenda, aut ipsi dimit-
„tentes; ac Sede vacante Capitula Cathe-
„dralia, qui de beneficiis tam dimissis,
„quam perditis Papam statim certifi-
„care studeant, ut de illis disponat. 6. De-
„clarat, illa duntaxat beneficia Eccle-
„siaſtica animarum curam habere, quæ
„Parochias habent, in quibus animarum
„cura, non per Vicarios perpetuos, sed
„per ipatos Rectores vel illorum tem-
„rales Vicarios exercetur. Notat tamen
Pirrb. b. t. n. 154. quòd non obſtantē hac
Constitutione poſſit quis ſimul obtinere
duos Canonicatus ſimplices in diuersis
Ecclesiis; quia Canonicatus, eſtò Cath-
edralis, non eſt ſimpliciter Dignitas.

20. V. In Extrav. Comm. Famofo Cap.
Ad Regimen 13. „Ad regimen Eccleſia-
rum & Monasteriorum, uti & ad bene-
ficia Eccleſiaſtica cupiens BENEDICTUS
XII. viros affumi idoneos, qui præ-
ſint & profint, refervat I. omnes Eccle-
ſias

„sias etiam Episcopales, cæteraque bene-
ficia cum cura vel sine cura, sœcularia
& Regularia, etiam electiva, nunc apud
Sedem Apost. vacantia, & imposterium
vacatura. 2. Vacantia itidem per de-
positionem, privationem, translatio-
nem aut imuneris consecrationis fusce-
ptionem à Prædecessore suo factas, & à se
imposterium faciendas, necnon si electio
seu postulatio cassata sive repulsa, vel
renunciatio à suo Prædecessore aut à se jam
admissa, vel imposterium cassanda vel
admittenda. 3. Beneficia Cardinalium
& Officialium dictæ Sedis, quos enu-
merat, vacantia & vacatura. 4. Bene-
ficia quorumcunque pro quibuscunque
negotiis ad Rom. Curiam venientium
vel inde redeuntium, si in ea vel intra
duas dietas legales ab ea decesserint.
5. Monasteria, Dignitates, beneficia
cum vel sine cura etiam electiva, quæ
ad majores Ecclesiæ, à se vel suo Præ-
decessore promoti, aut à se promovendi
tempore promotionis obtinebant vel
obtinent. 6. Denique quæcunque be-
neficia per assecutionem pacificam al-
terius incompatibilis à suo Prædecessore
collati vel à se conferendi vacantia aut
vacatura suæ dispositioni (donec DEUS
ipsum universalis Ecclesiæ regimini
„præ-

„præesse concesserit) reservat, decernens
 „irritum & inane, quidquid secus atten-
 „tum fuerit. Hæc Constitutio, licet mor-
 te Papæ conditoris exprimatur, quilibet ta-
 men Pontifex eam renovat in Regulis
 Cancellariæ, estque inserta concordatis
 Germaniæ sub certis modificationibus
 seu limitationibus, sub quibus perpetua-
 tem obtinuit. Quare ob affinitatem ma-
 teriarum sit ad hunc Titulum

APPENDIX PRIMA.

De Regulis Cancellarie.

Quid eæ sint, dictum est in Tit. Proc.
 miali n. 12. & hodie communiter re-
 censemur septuaginta duæ, è quibus se-
 lectiores proponentur, omissis iis, quæ
 Officialibus Cancellariæ Apostolicæ aut
 Romæ degentibus sunt scitu necessariæ
 vel utiles, in hisce locis seu extra Italiam
 vix usu venientes.

REGULA I. „Pontifex reservat bene-
 „ficia reservata in Extravagantibus *Exe-*
 „*crabilis & Ad Regimen*, ut etiam benefi-
 „cia contra formam Concilii Trid. colla-
 ta, v.g. carenti legitimâ ætate, primâ Ton-
 surâ, aliisve qualitatibus ab eodem Conci-
 lio requisitis, si tamen id scienter factum.

II. „Reservat omnes Ecclesiæ Episco-
 „pates,

„pales, omniāque beneficia ad quoscunque Collatores spectantia, si vacent sede istorum Collatorum vacante. Hæc regula locum non habet in Germania, ubi Episcopatus sunt electivi; & collatio beneficiorum, quæ sede vacante vacaverint, reservantur successori.

III. „Prohibet, ne provisi per Papam de secundo beneficio incompatibili cum priori, valeant prius in fraudem Apostolicæ reservationis, nullâ factâ de eo expressâ mentione, coram Papa vel alio resignare; aliâs utrumque beneficium vacare & reservatum censeatur.

IV. V. VI. VII. & VIII. „Reservat Dignitatem majorem post Pontificalem in Cathedralibus & Principalem in Collegiatis, item beneficia collectorum fructuum Cameræ, Curialium, Cubiculariorum, Ecclesiarum Lateranensis & Mariæ Majoris in Urbe, &c.

IX. Olim VIII. (super qua integrum Tractatum eruditè scripsit Hieronymus Gonzalez), reserbat omnia beneficia quartæcūnque qualificata in Januario, Februario, Aprili, Majo, Julio, Augusto, Octobri & Novembri extra Curiam alterquam per resignationem ad quorumcūnque dispositionem (non tamen laicorum) pertinentia. Episcopis autem

„per-

„personaliter in suis Ecclesiis residentibus
„alternativam sex mensium ad beneficia
„conferenda, quæ jure ordinario ad libe-
„ram ipsorum duntaxat, & ab aliis in-
„dependentem dispositionem pertinent,
„concessit. Hæc Regula ex communi
DD. non habet effectum, si vacante Sede
Apost. incipiat vacare beneficium, quia
Regulis cum vita Papæ sublatis omnes
menses sunt Ordinariorum; secus, si vacet
beneficium vivo adhuc Pontifice, tunc
enim manet reservatione affectum, si sit
simplex. Neque locum habet in Germa-
nia, quia per Concordata ordinariis Col-
latoribus conceduntur sex menses; & col-
latio Canonicatum Cathedralium va-
cantium per obitum extra mensem Pon-
tificium ex consuetudine vel privilegio
pertinent ad Capitulum, cuius nomine
Turnarii Capitulares conferunt. Cæte-
rūm mensis Papæ vel Ordinarii incipit
à media nocte primi diei, & terminatur
in media nocte ultimi diei ejusdem men-
sis. In dubio invincibili, an Beneficiatus
obierit mediâ nocte in mense Papæ vel
Ordinarii, præsumptio juris stat pro Or-
dinario. Juxta DD.apud Reiffenst.b.t.n.500.
¶ seqq. „Quanquam in dubio, an Papa
„conferens beneficium jure ordinario
„vel ob concurrentem potestatem præ-

APPENDIX PRIMA. DE REGUL. CANCELL. 351

„venerit ordinarium Collatorem, præ-
„ferenda sit collatio Papæ propter con-
„ferentis ampliorem prærogativam, ut
dicitur c. 31. b.t. in 6. In casu posito autem
dubitatur de reservatione, quæ veluti
præjudicans Ordinario, ad quem de jure
vel ex fundatione spectat collatio, pro-
bari debet.

X. „Concessa per Prædecessorem
„mandat expediri in Forma: *Rationi con-*
„*gruit*, ut concessa à Prædecessoribus, sed
„præpediente ipsorum obitu non expe-
„dita, plenum habeant effectum & ex-
„pediantur.

XI. „Declarat, Ecclesias & beneficia
„à Prædecessoribus, cum interpositione
„Decreti reservata, manere affecta; secus,
„si tantum vivâ voce sint reservata.

XII. „Revalidat literas infra annum
„ante diem obitûs à Prædecessore con-
„cessas, sive Gratiæ, sive Justitiæ, ut juxta
„earum formam procedi possit ac debeat.

XIII. „Revocat & cassat omnes unio-
„nes, suppressiones & dismembrationes
„beneficiorum quâvis auctoritate (non
„tamen Concilii Tridentini) factas, quæ
„suum nondum sunt sortitæ effectum.

XIV. „Revocat quascunque faculta-
„tes concessas Episcopis aliisque Prælatis
„ac personis de dispensando cum quibus-
„, vis

352 LIBER III. TITULUS V.

„vis personis super matrimonio contra-
„cto vel contrahendo in gradu prohibito,
„Natalium & ætatum defectu, incompa-
„tibilibus beneficiis simul retinendis, No-
„tariis creandis, &c. in quibus nondum
„sunt fortitæ effectum.

XV. „Revocat quascunque facultates
„& literas, per quas Prædecessores qui-
„buscunque Collatoribus (non tamen
„Cardinalatūs dignitate fulgentibus)
„etiam motu proprio concesserint, ut de
„beneficiis generaliter Papæ reservatis
„disponere valerent. Hæc tamen Regula,
ut notat *Engel. n 27.* videtur tantum loqui
de indultis temporalibus ad vitam alicu-
jus, vel ad certum tempus concessis; non
verò de indultis perpetuis, quæ concessa
sunt certis Capitulis, ut possint ex suo gre-
mio eligere personam idoneam ad majo-
rem Dignitatem, post Pontificalem in
Cathedralibus aut Principalem in Colle-
giatis.

XVII. „Declarat, si duobus à Papa sit
„facta gratia de eodem beneficio & sub
„data ejusdem diei, quis eorum in data
„concurrentium sit præferendus, v. g.
„Graduatus non Graduato, Diœcesanus
„non Diœcesano, &c.

XVIII. „Declarat, suæ intentionis
„esse, ut deinceps per quascunque gratias
„vel

APPENDIX PRIMA, DE REGULIS CANCELLARIAE. 353
„vel literas Apostolicas, etsi motu pro-
prio & ex certa scientia emanaverint,
„nulli jus sibi quæsitum quomodolibet
„collatur.

XIX. Quæ est celebris, & cujus usus
est hodie frequentissimus, dicta *De Vigin-*
i, in qua decernit: „Quòd si quis in in-
firmitate constitutus resignârit aliquod
„beneficium, in curia vel extra illam, sive
„simpliciter, sive ex causa permutatio-
„nis, vel alias dimiserit, aut illius Com-
mendæ cesserit, sive ipsius beneficii
unionis dissolutioni consenserit, etiam
„vigore supplicationis, dum esset sanus,
signatæ, & posteà infra 20 dies à die per
ipsum resonantem præstandi consen-
sùs (putà magni seu extensi in Camera
vel Cancellaria Apostolica per se vel Pro-
curatorem, addito juramento, quòd
omnia sine fraude acta sint, quia ante
nunc non est resignatio perfecta, sed res
adhuc integra & locus pœnitentiæ), com-
putandos, de ipsa infirmitate decefferit,
„& ipsum beneficium quâvis auctoritate
„conferatur, Collatio hujusmodi sit nulla,
„ipsiusque beneficium nihilominus per
„obitum censeatur vacare, scilicet fictio-
ne juris, quæ pro veritate habetur. Ratio
Regulæ est, ut excludantur resignationes
ab infirmis factæ ad favorem in fraudem

354 LIBER III. TITULUS V.
ordinariorum Collatorum, & aboleantur
successiones quasi hæreditariæ in benefi-
ciis; habéntque locum, eitò resignans ex-
tra omne periculum mortis constitutus,
dein quovis modo sive ex vulnero, sive
alio modo violento vel casuali intra vi-
ginti dies moriatur juxta stylum Curia
estò in Theoria contrarium probabiliter
sustineatur; quanquam non extendatur
ad mortem civilem, v. g. quia resignans
ducit uxorem intra viginti dies, profiteret
in Religione &c. Insuper obligat extra
Curiam, v. g. si quis resignet beneficium
coram Ordinario, quia ubique hæ Regulæ
obligant, quæ institutæ sunt ad obvian-
dum fraudibus & aliis inconvenientiis
universalibus, ut notat *Leur.* Q. 337. Vide
Engel. b. t. Verùm cùm Sede Apostolica
vacante expiret hæc Regula, si tunc quis
resignet simpliciter coram Ordinario,
& moriatur intra viginti dies, resignatio
subsisteret. Vide *L. I. T. 3. n. II.*

X XI. „Si quis supplicaverit sibi de be-
„neficio tanquam per obitum aliquius
„viventis tunc vacante provideri, lice-
„postea per obitum ejus vacet, provisio
„& quævis dispositio desuper facienda
„nullius sint roboris.

X X VI. „Decernit irritas quascunquaque
„provisiones seu dispositiones circa be-

neficia à promovendis ad Prælaturas re-signata vel dimissa inter tempus vaca-tionis Prælaturæ & promotionis, per quam aliás eadem forent Sedi Apostoli-cæ reservata. An hæc Regula locum ha-beat in Germania ob Concordata, v. g. an valeat Resignatio Dignitatis vel Canonica-tus facta à promovendis, vel electis ante confirmationem, nec ne? Disputant Cano-nistæ teile Engel b. t. n. 37. Pro negativa affectur Decisio Rotalis in una Paderborn. Preposituræ.

XXVII. „Cùm ante confectionem literarum Gratia Apostolica sit informis, statuit non juxta supplicationum signa-tarum, sed juxta literarum desuper con-fectarum tenores & formas semper ju-dicandum.

XXIX. „Pontifex cupiens litium suc-cindere anfractus, & ne novi collitigan-tibus adversarii dentur, providere, or-dinat, ut quoties deinceps super quovis beneficio collitigantem in jus alterius cedentis vel decedentis (dummodo non sit intrusus, nec contra adversarium post triennalem pacificam possessionem mo-verit litem) surrogari concederit, aliis de præmisso jure factæ concessiones etiam motu propriæ, infra mensem ante subrogationem hujusmodi collitigantis

356 LIBER III. TITULUS V.
nullius sint roboris. Circa hanc vide *Luc.*
L. 4. n. 534. & seq.

XXX. *De verosimili notitia:* „Omnis
„gratias de quibusvis beneficiis per obi-
„tum vacantibus factas decernit irritas,
„nisi post obitum & ante Datam gratia-
„rum hujusmodi intercesserit tantum
„temporis, quo vacationes de locis obi-
„tus ad notitiam Papæ verisimiliter po-
„tuerint pervenire.

XXXV. *De annali Possessore* statuit,
„quod quicunque beneficium per annum
„ab alio pacifice possellum deinceps im-
„petraverit, specificam causam (ex qua
„clare constet, nullum dicto possessori
„jus competere) exprimere, & infra sex
„menses eundem ad judicium evocari fa-
„cere, causamque ex tunc infra annum
„usque ad Sententiam Definitivam in-
„clusivè prosequi teneatur; alioquin im-
„petratio & quæcunque inde secuta nul-
„lius sint roboris, & impetrans de damnis
„propterea contingentibus possessori fa-
„tis faciat.

XXXVI. *De Triennali* statuit, quod
„absque simoniaco ingressu obtinens be-
„neficia, Apostolicâ vel ordinariâ colla-
„tione, si per triennium pacifice posse-
„derit, (dummmodo in beneficiis hujus-
„modi, si dispositioni Apostolicæ ex ali-
„qua

„qua ratione generali in Corpore Juris
 „clausa reservata fuerint, se non intruse-
 „rint) super iisdem beneficiis taliter pos-
 „sessis nequeant molestari, ac impetra-
 „tiones quaslibet de iis sic possessis factas
 „decernit irritas & inanes, antiquas lites
 „super illis motas penitus extinguendo.
 Hinc *Regula De Annali* relinquit impe-
 tranti potestatem molestandi possessio-
 nem; hæc autem tollit, possessorem
 Triennalem defendens in possessorio, non
 autem in petitorio seu quoad Titulum
 verum, ut ait Wagn. *ad hanc Reg.* Pos-
 sessio autem decennalis generat præsum-
 ptionem Tituli seu Canonici ingressus.

Vide *Lac. n. 715.*

XLII. „Decernit, quod super bene-
 „ficio Patronatus laicorum non expe-
 „diantur literæ, nisi ponatur expressè,
 „illud tam diu vacâsse, ut fuerit ad Sedem
 „Apostolicam legitimè devolutum; aut
 „ad id Patronorum ipsorum accedat af-
 „sensus. Si per ipsum Papam Juri Patro-
 „natūs hujusmodi derogari contigerit,
 „illius mentio dispositivè ac specifice fiat,
 „alias non censeatur quomodolibet de-
 „rogatum.

L. „Vult, ut in dispensationibus su-
 „per defectu natalium, quod possint suc-
 „cedere in bonis paternis, ponatur clau-
 Z 3 „sula:

,,sula: Non præjudicetur aliis, ad quos
 , successio bonorum ab intestato pertine-
 , re debeat, solētque addi alia clausulas
*Citra bona Emphyteutica & Feudalia Ec-
 clesiastica. An autem hæc Regula solum ca-
 vere velit præjudicium legitimorum filio-
 rum, vel etiam aliorum propinquorum
 succendentium ab intestato, si adsint? Dispu-
 tant DD. teste Wagn. ad hanc Regulam.*

LIII. „Vult, ut in literis Indulgentia-
 rum ponatur: Quod si Ecclesiæ vel Ca-
 pellæ, aut aliæ aliqua Indulgentia fuerit
 concessa, de qua inibi specialis mentio
 facta non sit, hujusmodi literæ sint nullæ.
 Id statuitur ad nimiam Indulgentiarum
 multiplicationem impediendam.

LVII. Statuit, ut super Beneficiis Ec-
 clesiasticis fiat mentio de qualitatibus
 illorum, videlicet an Dignitates, vel Per-
 sonatus, vel Officia sint; item an curatæ,
 vel electiva; aliæ gratiæ desuper factæ
 sint nullæ; quæ qualitates, si non ex-
 primantur, negativa desuper expresse
 fiat, videlicet quod non fit Dignitas, Cu-
 ratum &c.

LXII. „Petenti sibi provideri de va-
 caturo dentur literæ de vacante, prout
 expediērit imetranti. Hinc si quis im-
 petret beneficium proximè vacaturum
 per matrimonium beneficiati, aut per

promotionem ad Prælaturam, ponitur in literis: *Providemus tibi de beneficio per ialem modum vacaturo, vel jam vacante.* De vacaturo per obitum, quia est periculum voti captandæ mortis alienæ, provisio non datur.

LXVII. „Pontifex suæ dispositioni reservat omnia beneficia, quæ Sede Apost. vacante vacârunt, si Sedi Apostolicæ quomodolibet reservari sint solita, & de iis per Collatores ordinarios ante diem assumptionis novi Pontificis non sit dispositum, decernens irritum, si quid secus attentatum fuerit. Unde Wagn. monet ordinarios Collatores, ut beneficia Sede Apostolicâ vacante vacantia, & jure communi ad suam collationem spectantia mature conferant, ne per publicationem Regularum jure suo cadant.

Pro fine Nota ex Reiff. h.t. n. 540. Per Concordata Germaniæ non derogari ex toto Regulis Cancellariæ; nam Regulas: *De Viginti, De verisimili Notitia, De Annali aut Triennali Possessore, &c.* etiam in Germania locum habere indubitati juris est; sed per ea solùm derogari his regulis, quoad ea, quæ circa reservationem beneficiorum, Annatas Sedi Apostolicæ per solvendas, &c. specialiter contra eas disponunt juxta mox dicenda.

APPENDIX SECUNDA.

De Concordatis Germania.

I. Hæc inchoata sunt anno 1446. missis
Hab EUGENIO IV. Francofurtum Le-
gatis, ac inter ipsos ex una, & Rom. Imp.
FRIDERICUM III. aliósque Imperii Prin-
cipes, tum Ecclesiasticos, tum sæculares,
ex altera partibus ad sopiendas lites &
contentiones circa provisiones beneficio-
rum inita; quæ Anno 1448. à NICOLAO V.
confirmata per Bullam: *Ad Sacram Petri
Sedem*, in Paragraphos distributam, à
Reiff. b.t. n.535. & Lac. L.4. n. 503. verbo-
tenius relatam, in qua Pontifex asserit, ea
esse rationabilia & salubria tam Ecclesia,
quam Nationi Germanicæ. Contenta
illius brevibus hic explicantur.

2. I. §.3. „Pontifex sibi reservat bene-
ficia reservata in Extravagantibus: *Exe-*
„*crabilis & Ad Regimen*, de quibus *sup. sed*
cum restrictionibus; nam in Concordatis
non reservantur beneficia vacantia per
Muneris Consecrationis susceptionem,
nec vacantia per obitum Officialium Se-
dis Apostolicæ, (quorum numerus hic
etiam restringitur) si officia sua ante obi-
tum dimiserint, quia Concordata expref-
„sè dicunt, ea tam diu esse reservata,
„quam

„quām diu ipsā officia *actualiter* NB. te-
„nebunt. Vide *Lac.* n. 512.

3. II. §. 4. „Concedit Pontifex, ut in
„Metropolitanis & Cathedralibus Ger-
„maniæ Ecclesiis etiam immediate Ponti-
„fici non subjectis, & in Monasteriis i ме-
„diatè illi subjectis fiant electiones Cano-
„nicæ, quæ intra tempus per Cap. 16. Cu-
„pientes *De Elect. in 6. præfinitum Romam*
„deferantur, si non fuerint Pontifici præ-
„sentatæ, vel si præsentatae minùs Canoni-
„cæ fuerint, ipse providebit; si fuerint Ca-
„nonicæ, dictas electiones confirmabit, ni-
„si ex evidenti causa de ulteriore persona
„duxerit providendum. Hæc est insignis
prærogativa Germaniæ; quia cùm jus eli-
gendi in Italia, Hispania, Gallia, Lusitania,
Polonia aliisque Regnis per reservationes
Pontificum & nominationes Regum seu
Principum Capitulis fit ademptum, istud
tamen in Germania iis sit præservatum.
Unde notant DD. Famosum Titulum De
Electione in *L. 1. Decret.* exiguum habere
usum extra Germaniam. Verùm si Epi-
scopus promoteatur ad Cardinalatum,
Episcopatus per obitum vacans est re-
servatus; item, si auctoritate Apost. trans-
feratur ad aliam Ecclesiam, vel resignet
Episcopatum in manus Papæ, aut eo
à Pontifice privetur, aut moriatur

362 LIBER III. TITULUS V.
in Curia, juxta Cap. *Ad Regimen Sedi*
Apost. manet reservatus, cui quoad hoc
per Concordata non est derogatum, ut
recte *Pirrb. b.t. n.360.* Hinc ante accepta-
tionem Cardinalatus vel alterius Episco-
patus solet supplicari pro indulto speciali
ad conservandum jus electionis penes
Capitulum.

4. III. §.5. „Reservat sibi Pontifex Ma-
„jores Dignitates post Pontificalem in
„Cathedralibus, & Principalem in Col-
„legiatis Ecclesiis; quales sunt Præposi-
turæ (ubi sunt, ex generali consuetudine
Germaniæ, ut dixit *Rota*, teste *Nicollis*
litt.P.n.94.) vel Decanatus. Verum varia
per speciale privilegium exemptæ sunt,
ut Augustana ex indulto ALEXANDRI VI.
Monasteriensis ex indulto PAULI V. 1618.
Leodiensis &c. in quibus electio Præpositi
est penes Capitulum.

5. Addit Pontifex in *cit. §.* „De cæteris
„verò Dignitatibus & beneficiis quibus
„cunque sæcularibus & Regularibus va-
„caturis ultra Reservationes prædictas
„(videl. in Extravagantibus *Execrabilis*
„& *Ad Regimen* contentas) placet Nobis,
„quòd per quamcunque aliam reservatio-
„nem, Gratiam expectativam aut quam-
„vis aliam dispositionem sub quacunque
„verborum forma per Nos vel auctori-

ntata

"tate Nostrâ factam vel faciendam non
"impediemus, quominus de illis, cùm va-
"cabunt Februarii, Aprilis, aliisque alter-
"nis mensibus, liberè disponatur per illos,
"ad quos eorum collatio, provisio, præ-
"sentatio, electio seu quævis alia dispositio
"jure ordinario pertinebat, reservatione
"aliave quavis dispositione, auctoritate
"Nostrâ factis vel faciendis, non obstanti-
"bus quibuscunque. Unde beneficia re-
servata Sedi Apost. per Bullas posteriores,
v.g. vacantia propter hæresin, propter
simoniam confidentialem, propter non
publicatam resignationem, propter non
servatam formam Tridentini in collatio-
ne Parochiæ &c. Si quis iis non privetur
auctoritate Apost. sed Ordinarii, *an sint*
Papæ reservata in Germania, in quocunque
demum mense sic videntur. Negat Engel b.t.
n. 18. contra Branden &c. censentes ea
hoc ipso affecta seu reservata Papæ, quod
videntur ipso jure, quibus videtur favere
stylus Curiæ. Item si promotus ad Episco-
patum beneficia præhabita retineat per
dispensationem Apost. ac decedat in his
mensibus, *an tunc eorum Collatio pertineat*
ad Ordinarios? Engel. n. 16. Castropalao
&c. affirmant. Ast negativa docens, ea
manere affecta, ut etiam non aliter quam
apud Papam resignari possint, est fun-
data

364 LIBER III. TITULUS V.
data in stylo & praxi Curiæ Rom. teste
Lac. n. 508.

6. „Præterea §. cit. Pontifex dispositio-
„ni Sedis Apost. specialiter reservat om-
„nia beneficia cum cura vel sine cura va-
„cantia in Januario , Martio & cæteris
„alternis mensibus, v. g. per obitum: Imo
nonnulli apud *Lac. n. 150.* putant omnia
beneficia in mensibus Papæ vacantia per
assencionem alterius incompatibilis ma-
trimonium, Professionem Religiosam, &c.
esse reservata Papæ per Concordata. Sub
hac tamen reservatione non comprehen-
duntur Beneficia Jurispatronatūs laicalis,
aut etiam mixti , quod Laico simul & Ec-
clesiastico competit; neque manualia, ne-
que accessoriè unita alteri, v. g. Vicariæ
perpetuæ; neque beneficia Ecclesiæ non
numeratae, de qua infra *Tit. 8. n. 4.* neque
vacantia per resignationem apud Ordina-
rium , estò hæc fiat in mense Pontificio,
quia Papa in Reg. Cancellariæ sibi non re-
servat vacantia in suis mensibus extra Cu-
riam per resignationem , ut notat *Lac.*
n. 511. neque Præbendæ Canoneffarum,
quia non sunt beneficia Ecclesiastica, &c.
Econtra per Concordata reservantur be-
neficia monocularia , item Officia Eccle-
siastica , quæ in titulum dantur , quia be-
neficiis æquiparantur ; aut quæ post Con-
cor-

APPENDIX SECUNDA. DE CONCORDAT. GERM. 365
cordatorum datam erecta & fundata,
quantumvis collatio eorum, in quocun-
que mense vacaverint, sit ex fundatione
Ordinariis reservata, (de quo tamen vide
Lacroix n. 515.) ut tradit *Nicolarts Tit. 1.*
dub. 2. 3. & 4. addens *dub. 5.* occurrente
in mensibus Apost. vacatione beneficio-
rum curatorum juxta Constit. Pii V. *In*
conferendis, Ordinarius proponit Edi-
ctum pro concursu intra 10 dies, & intra
4 mensium spatium à die vacationis mit-
tit Romam approbationem, factam ab
Examinatoribus Synodalibus de magis
idoneo & à se electo, pro collatione obti-
nenda. *An autem, si Sede Apost. vacante*
contingat vacare beneficium in mense Pon-
tificio, possit Ordinarius Collator illud con-
ferre in Germania, uti potest extra eam?
Affirmativam in Theoria defendi posse,
ait *Engel n. 49.* eo quod conditio Ordina-
riorum in Germania per Concordata,
quae veluti favorabilia in eorum favorem
sunt interpretanda, non sit facta durior
præ aliis nationibus. Communior negat,
eo quod Concordata utpotè perpetua
cum Papa non moriantur, uti Regulæ
Cancellariæ; & pro hac facit praxis &
stylus Curiæ.

7. Denique §. cit. additur: „Si tamen
„vacante Beneficio in mensibus speciali-
„ter

366 LIBER III. TITULUS V.
„ter dispositioni dictæ Sedis reservatis
„non apparuerit intra tres menses à die
„notæ vacationis in loco beneficii, quod
„alicui de illo Apostolicâ Auctoritate pro-
„visum fuerit, ex tunc & non anteā Ordinarii
„narius vel alias, ad quem illius disposi-
„tio pertinebit, de illo liberè disponere
„poterit. Circa horum intellectum GREG.
XIII. Bullâ: *Quæ in Ecclesia*, datâ 1576.
„attendens verba prædicta *in loco bene-*
„*ficii*, cum verbis *Notæ vacationis*, quæ
„protinus antecedunt, conjungi, & ad illa
„duntaxat referri; non autem conjungi
„cum verbo: *Apparuerit*; declarat, quod
„Ordinarii aut alii Collatores post lapsum
„trium mensium ex die notæ vacationis
„in loco beneficii disponere non possint
„de illis beneficiis vacantibus vel vaca-
„turis in mense Pontificio, de quibus
„intra dictum tempus trium mensium
„per Rom. Pontificem ac dictam Sedem
„qualiscunque gratia vel dispositio aut
„concessio facta fuerit, estò intra illud
„tempus non appareat in loco beneficii,
„cui de illis Romæ sit provisum. Verum
quia hæc Constitutio emanavit inconsul-
tâ Natione Germanicâ, multas hodie-
patitur contradictiones. Unde curent
provisi Apostolici, si ob temporis angu-
stiam tam citò Bulla collationis expediri
ne-

nequeat , saltem per instrumentum authenticum in forma probante doceant in loco beneficii , sibi de eo gratiam à Papa factam. *An autem illud trimestre Papæ reservatum pro conferendis beneficiis in mense Papali vacantibus , uti currit Sedi Apost. ignorant vel omittenti conferre , ita quoque currat Sedi vacanti , ut elapso illo trimestri possit Collator ordinarius beneficium sic vacans conferre ?* Affirmant Schmaltzgr. b. t. n. 321. Reiff. n. 565. dicens , id confirmari consuetudine hactenus receptâ , & plures alii , quia alias , si electio Pontificis in longum protraheretur , tamdiu quoque beneficia vacarent in præjucium Ecclesiæ. Deinde si collatio intra trimestre à Pontifice facta sit invalida , v.g. ob vitium sub - vel obreptionis , ob inabilitatem personæ v. g. defectum Nobilitatis , &c. *An tunc tale beneficium à Collatore inferiori licet & validè conferri possit?* Affirmat Rebuffus , testans ita practicari in Gallia. Ratio , quia actus invalidus habetur pro infecto ac nullo. Ast sententiam negativam nedum probabiliorum , sed veram , stylo Curiæ conformem & in praxi tenendam docet Reiff. n. 430. solvens argumenta in oppositum , eò quod per talem dispositionem etiam invalidam maneat affectum per appositionem ma-

368 LIBER III. TITULUS V.
nūs Pontificiæ. Notant hīc etiam DD. Pa-
pam elapso trimestri posse adhuc præ-
venire ordinarium Collatorem; neque
per Concordata quoad beneficia vacantia
per obitum in Curia esse derogatum Cap. 3.
in 6. b.t. supra n. 9. & Cap. 35. n. 16. ut ea
etiam ante lapsum trimestris conferri pos-
sint. Ita Nicolarts, Engel b.t. n. 52. & alii
citati à Schmaltzgr. b.t. n. 323. Ratio, quia
trimestre per Concordata datum solum
restringitur ad beneficia Alternativæ ob-
noxia seu Mense Apost. vacantia, adeo-
que non extendendum ad vacantia per
obitum in Curia, & ideo Papæ reservata.
Unde consequens est, non esse necesse, ut
collatio beneficii in Curia vacantis, facta
à Papa, fiat intra trimestre nota in loco
beneficii; nam Concordata expressè di-
cunt: *Si tamen vacante beneficio in men-
sibus specialiter dispositioni dictæ Sedis re-
servatis non apparuerit intra tres menses*
&c. Proinde ad beneficia aliter vacantia,
v.g. per obitum in Curia, jure devolu-
tionis ad Papam per resignationem &c.
non est illa trimestris arctatio exten-
da, sed quoad ea servandum jus commu-
ne, juxta quod non fit devolutio à Supe-
riore ad inferiorem extra casus à jure spe-
cialiter exceptos; neque in eo tempus
illud trimestris præscribitur, ut patet in
alii

D. Pa.
præ-
eque
antia
Cap. 3.
ut ea
i. pos-
& alii
quia
olium
e ob-
deo-
per
vata
e, ut
facta
loco
è di-
nen-
s re-
enses
ntia,
olu-
&c.
Den-
mu-
ipe-
spe-
pus
et in
alii

APPENDIX SECUNDA. DE CONCORDAT. GERM. 369
aliis collationibus factis ab inferioribus
Papâ.

8. IV. §. 6. In Concordatis statuitur,
quod Annatæ, i. e. pensiones seu certæ
quantitates pecuniæ, quæ de fructibus
primi anni à Neo - Electo Episcopo vel
Prælato exempto Cameræ Apostolicæ
pro necessitatibus Ecclesiæ solvuntur,
solvantur hoc modo: „De Ecclesiis Ca-
thedralibus omnibus & Monasteriis vi-
vorum duntaxat vacantibus & vacatu-
ris solvantur de fructibus primi anni
à die vacationis summæ pecuniarum
taxatæ in libris Cameræ Apostolicæ; ac
si quæ excessivæ taxatæ sint, retaxentur;
Taxæ autem prædictæ pro media parte
infra annum à die habitæ possessiois pa-
cificæ solvantur, & pro alia media parte
infra annum sequentem; item si infra
annum bis vel pluries vacaverit, semel
tantum solvantur, nec debitum hujus-
modi in successorem in Ecclesia vel Mo-
nasterio transeat. De Beneficiis, quæ
valorem 24 florenorum auri de Camera
non excedunt, nihil solvatur. Unde quia
hodie ex generali consuetudine & stylo
Curiæ Rom. omnes Canonicatus Germa-
niæ æstimantur non nisi ad valorem 24
ducatorum, licet verus Reddituum valor
ad 1000 ducatos ascendat, ex illis Annatæ

Aa non

non solvuntur, sed solum, quod pertinet ad Bullæ expeditionem. De certis tamen beneficiis unitis aut Dignitatibus ex speciali privilegio à reservatione exemptis, v.g. Præpositura Augustana &c. Camera Apostolicæ solvuntur *Quindenia*, i.e. media pars fructuum unius anni singulis 15 annis.

9. Pro fine observa ex *Reiffenst. n. 545* si quis bonâ fide & ex ignorantia obtinuit beneficium Papæ reservatum contra Concordata, eum cognito errore teneri à Papa petere novam provisionem, quia reverà censetur intrusus, carétque omni titulo, ac fructus ex tali beneficio perceptos in utroque foro restituere obligatur, ut patet ex Bulla CLEM. VIII. *Admonit. Nos*, data 1534. quia illa, uti & Concordata, continent Decretum irritans, quod inficit tum titulum, tum possessionem, adeoque velut intrusus nunquam juvatur beneficio *Reg. de Triennali*. Nihilominus Engel b.t. n. 54 censet, iis non obstantibus per consuetudinem vel præscriptionem longissimi vel immemorialis temporis (quam docet esse contra Concordata admittendam) posse aliquem esse tutum in conscientia, licet ob stylum Curiæ pro foro externo forte per sententiam venire privandus.

APPENDIX TERTIA.

De Precibus primariis Imperatoris.

PRECES PRIMARIAE sunt Indultum Apostolicum, quo Romanorum Imperatori Neo-Electo ob egregia Imperatorum in Ecclesiā in merita conceditur facultas nominandi personas idoneas ad certa beneficia juxta modum expressum in Bulla PAULI V. *Cum post*, data ad FERDINANDUM III. 1620. in Paragraphos distributam, & à Chokier, Canonico Leodiensi, Commentariis illustratam; estque hoc Indultum antiquissimum, cū extiterit ante tempora RUDOLPHI primi Habsburgici, electi 1273. Dicuntur autem *Preces primariae*, quia non conferunt jus conferendi, sed nominandi seu rogandi Collatores, ut beneficia à se nominatis conferant, & veluti *Armatæ* præferuntur cuiusvis alterius provisioni. Hoc Indultum juxta ordinem Paragraphorum cit. Bullæ hīc summarie explicabitur.

2. I. §. 1. „*Cum post factam de persona FERDINANDI electionem & à Pontifice confirmatam &c. Quo non obstante docent Canonistæ, Imperatorem electum etiam ante confirmationem Papæ posse uti hoc Indulso, saltem ex consuetudine*

aut præsumpta mente Pontificis, vel sub spe futuræ ratihabitionis, quia FERDINAN-
dus IV. Augustæ electus absque mora pre-
ces primarias contulit nemine improban-
te; ejusque Successores LEOPOLDUS I. & JO-
SEPHUS I. sine obtento Indulto usi sunt jure
precum, teste Schmaltzgr. n. 339. addens
tamen n. seq. CLEM. XI. præcepisse Capi-
tulo Hildesiensi, ut ad Canonicatum in-
mense Papali vacantem reciperent à se
provisum, repulso Precistâ tanquam in-
truso, eò quod JOSEPHUS I. indultum à Papa
non petierit, nec habuerit. Vide Bullarium
CLEM. XI. Declar. 45. Cùm sicut.

3. II. §. 2. „Conceditur S. M. facultas
„nominandi personam idoneam in fin-
„gulis Cathedralibus, Metropolitanis
„Collegiatis vel quibusvis aliis Ecclesiis
„per totum Imperium, prout nunc est, ad
„Dignitates, Personatus, Officia etiam
„electiva & quævis beneficia Ecclesiastis
„ca vacatura, sive sint curata, sive non
„sive sacerdotalia, sive Regularia, ut Col-
„tores vel Collatrices personam sic no-
„minatam post Preces porrectas recipi-
„& admittere teneantur; quanquam, ut
ait Wagn. hoc loco, Cæsares, ne turbent
Disciplinam Regularem, dispositionem
beneficiorum Regularium relinquant
Prælatis Ordinum.

4. Hæc tamen facultas in cit. §. limitatur i. „Dummodo Dignitates in Cathedralibus & Metropolitanis post Pontificalem Majores aut in Collegiatis Principales non existant. 2. Dummodo singulæ Collationes & singulæ Ecclesiæ ex hoc ultra quam in uno beneficio non graventur. 3. Dummodo ipsi Collatores vel Collatrices saltem quatuor beneficia in Imperio conferre habeant. Unde si tria habeant in Imperio & quartum extra illud, Preces locum non habent. Econtra si Canonicus ratione Dignitatis, v.g. Præpositæ, Archidiaconatus, &c. habeat conferre quatuor beneficia, potest unum per Preces directas, non ad Capitulum, quia ea nunc non confert vice Capituli uti Turnarius, sed ad ipsum Canonicum obtineri. Ita Pirr. n. 379. 4. „Si Cæsar pro eadem persona ad plures Collatores simul vel successivè Preces dirigat, quamprimum tamen persona sic nominata de aliquo beneficio provisa fuerit, ejus nominatio quo ad alios Collatores facta ipso jure expiret. Nihilominus post primæ gratiæ consumptionem potest Imperator eidem Precistæ concedere novas Preces ad aliam Ecclesiam. 5. „Quod Canonicatus, Dignitas, Personatus vel Officium in una Ecclesia pro unico duntaxat beneficio computari

374 LIBER III. TITULUS V.
debeat. Unde Cæsar nequit unam perso-
nam in eadem Ecclesia nominare pro Ca-
nonicatu, aliam pro Dignitate vel officio.
Notant h̄ic etiam DD. si preces alicui con-
cessæ non sint fortitæ effectum, v.g. ob
Precis tæ mortem, tacitam vel expressam
renuntiationem &c. posse Cæsarem alium
nominare; imò re integrâ potest Cæsar
variare nominando alium, vel privative,
vel cumulative, quo casu Preces sum-
regulandæ secundūm similes casus in
literis Pontificis evenientes. Ita Wagn
boc loco.

5. III. §. 3. „Statuitur, ut Executores
„Precum habeant qualitates requisitas ad
„Executores Literarum Apostolicarum,
„juxta C. Statutum II. de Rescript. in 6. (d
quo L. I. T. 3. n. 12.) „qui possint persona
„nominatæ beneficia vacantia per se ve
„per alium conferre & assignare. Unde
censet Wagn. Collationem spectare ad
Executores; ordinariis autem Collatori-
bus competere nudum receptionis & in-
stallationis seu inductionis in possessio-
nen ministerium. Econtra Engel, Pirilli
&c. docent, Collationem spectare ad or-
dinarios Collatores, quia ad eos Impe-
rator preces dirigit, quos possunt Exe-
cutores ad hoc compellere, iisque renuen-
tibus conferre.

6. Præterea in *cit.* §. varia statuuntur,
 „nempe quod Precista infra mensem,
 „postquam vacatio beneficii ipsi innotuit,
 „per se vel Procuratorem speciale man-
 „datum habentem debeat illud acceptare,
 „si duxerit acceptandum. Unde elapso
 mense (si re integrâ Precista non accepta-
 verit) potest collator ordinarius benefi-
 cium vacans alteri liberè conferre, ut col-
 latio sit valida; nisi Precista alleget justam
 ignorantiae causam aut impedimentum
 legitimum, v. g. sui vel Procuratoris ab-
 sentiam. Quia autem in Indulto habetur:
si duxerit acceptandum, censem DD. Pre-
 cistam, si negligat acceptare primum be-
 neficium vacans, posse petere secundum;
 si nec illud velit, tertium, & sic deinceps.
 Hinc Precistam non ligat *Cap. II. b.t. in 6.*
 ubi dicitur: Si Clericus ex mandato Apo-
 stolico de Præbenda proximè vacatura
 providendus eam neglexit, aliam vaca-
 turam prætextu dicti Mandati non potest
 petere, cum facta ei gratia per negligen-
 tiā ejus sit extincta. De quo tamen vide
 infra *Tit. 19. n. 5.*

7. Dein §. *cit.* Pontifex extendit Indul-
 tum Precum. 1. Ad quævis beneficia va-
 cantia in quibusvis mensibus, etiam or-
 dinariis collatoribus concessis; per quod
 derogatur concordatis Germaniæ. 2. Ad

376 LIBER III. TITULUS V.
„quævis beneficia Sedi Apostolicae reser-
„vata aliter, quam per Extravaganem
„Ad Regimen &c. v.g. Officialium, aut
„decedentium in Curia &c. quæ Papa, un
„& illa, quæ ad Sedem Apostolicam fue-
„rint devoluta, sibi reservat. 3. Ad benefi-
„cia in eadem Ecclesia, in qua Precista
„jam aliud obtinent. 4. Ad prædicta bene-
„ficia, licet Precista coram Cesare vel Col-
„latore non fecerit mentionem beneficii
„præhabiti vel præhabitorum, (uti ha-
„fieri debet coram Papa) cujuscunque finis
„qualitatis & valoris annui ad sustentatio-
„nem sufficientia, quæ estò fint tria vel plu-
„ra, sine dispensatione cum acceptato reti-
„nere potest, si cum eo in eadem vel diversis
Ecclesiis sint compatibilia, quamvis alias
de jure non possit quis habere plura quam
duo; si autem unum vel plura sint cum
acceptato incompatibilia, ea dimittere
tenetur. 5. „Ad ea beneficia, estò Pre-
„cista non habeat qualitates secundum
„statuta aut consuetudinem Ecclesiae re-
„quisitas. Hinc Nobilis Ecclesia Precistam
à FERDINANDO II. nominatum, sed caren-
tem Nobilitate, ex consuetudine aut statu-
to requisita, vigore hujus Indulti coacta
est recipere. Sitamen Precista careat qua-
litatibus à jure communi requisitis, v.g.
primâ tonsurâ, ætate &c. requiritur, ut eas
ha-

habeat, vel legitimè cum ipso sit dispensatum, non tempore obtentionis precum, sed tempore acceptationis Præbendæ vacantis.

8. Econtra Preces se non extendunt i. Ad beneficia, super quibus lis aliqua pendet indecisa. 2. Ad beneficia unita aut Jurispatronatūs laici vel mixti. 3. Ad vacantia permutationis gratiā; quod tamen *Chok.* apud *Leur.* q. 608. n. 9. limitat, nisi permutatio tieret in fraudem, v. g. si morti vicinus vel senex permuteat pingue cum tenui, ut sic Precista impediatur à consecutione pinguioris, quam fraudem regulariter semper præsumi, docent *Paris.* & alii apud *Leur.* P. 1. Q. 24. vide eundem P. 3. Q. 416. n. 3. *Pirrb.* L. 3. Tit. 19. n. 36. 4. Ad vacantia per Resignationem coram Papa, sive liberam, (secus est de vacante per Resignationem simplicem in manibus Ordinarii) sive in favorem, quia tunc resignans non intendit jus à se abdicare, nisi beneficium acquiratur resignatario. Verūm, ut docet *Pirrb.* L. 1. Tit. 9. n. 121. si senex vel gravior infirmus, aut intendens proximè celebrare Nuptias, vel Religionem profiteri resignet in favorem coram Papa Præbendum in fraudem Precistæ, ut is à consecutione illius excludatur & cogatur novam vacationem expectare, conformiter *Cap.* 2.

De Renunt. in 6. potest Precista illam veluti sibi debitam petere & obtinere, dummodo per probabiles & sufficientes conjecturas probari possit, Resignationem illam in fraudem seu odium Precistæ factam esse, quia tunc ratione fratidis Præbenda fictio- ne Juris censetur simpliciter vacare, est que Precistæ conferenda, quia fraus alterius nulli debet esse nociva, neque debet quis alterius odio prægravari. Ita Pirrb. loc. cit. Ideo novissimè vidimus, Precistam per mandatum Cæsareum esse in- ductum in possessionem Præbendæ Ca- thedralis, exclusò Resignatariò, qui eam à Papa obtinuerat per Resignationem Ca- nonici intuitu instantis à se contrahendi matrimonii factam; neque enim Pontifex fraudibus favere seu patrocinari intendit hinc juxta Reg. Cancellarie XIX. Resignationem in favorem, coram se factam a De- cedente infra viginti dies, ad obviandum fraudibus in præjudicium ordinariorum Collatorum declarat esse nullam; Resignationem autem esse factam in fraudem ex- pectantis meritò præsumitur, si resignans, quamvis sua Resignatio conditionalis non admitteretur, absque eo jus & titulum Præbendæ à se abdicasset; secus, si eâ non admissâ beneficium non desereret. Vide infra Tit. 19. n. 5. 5. Ad Præbendas Ca-

non essarum juxta Lac. n. 571. quia nec ipse Papa habet jus de eis disponendi, adeoque illud in Cæsarem transferre nequit. Unde si Cæsar dirigat preces ad Capitula Canones sarum, id non facit vi Indulti Pontificii, sed vi Juris Majestatici, uti ob jus Superioritatis Territorialis preces ad illa Capitula ex jure consuetudinario sibi vendicant nonnulli Principes tum Ecclesiastici, tum sæculares.

9. IV. §. 4. „Ponuntur clausulæ de-
rogatoriæ omnium, quæ huic Indulto
obstare possent. Unde derogat i. Constitu-
tionibus Apostolicis & Tridentino *eff.*
24. de Ref. c. 19, de non utendo expectativis
ad beneficia vacatura, aut non admitten-
do plura compatibilia quam duo absque
dispensatione Papæ. 2. Regulis Cancella-
riæ & Concordatis Germaniæ, quatenus
huic Indulto adversantur. 3. Statutis &
consuetudinibus Ecclesiarum particulari-
bus, etiam juratis & à Sede Apost. con-
firmatis &c. Denique decernitur: „Quid-
quid contra Indultum quacunque au-
toritate attentatum fuerit, irritum sit
& inane.

10. Ex his infertur, non posse præscribi
contra Indultum Precum, quia in facul-
tativis, seu contra Privilegium consistens
in voluntate utendi non præscribitur; ne-
que

380 LIBER III. TITULUS VI.
que datam & à Precista acceptatam gra-
tiam nominationis expirare per mortem
Imperatoris, *tum* quia gratiam Principis
decet esse mansuram; *tum* quia dato, quod
preces se habeant instar mandati ad Col-
latores, (quod re integrâ expirat morte
mandantis) tamen post acceptationem
res non censetur esse integra, quia aliquid
cœptum fuit, licet necdum consumma-
tum. Ita *Leur.* q. 615. cum aliis.

T I T U L U S VI.

De Clerico ægrotante vel debilitato.

1. I. In Decret. b.t. decernitur C. 1. „ Cleri-
„ cum non debere propter ægritudi-
„ nem suam impediri, quominus, quæ con-
„ sueta sunt, quæque ei, si sanus esset, pote-
„ rant ministrari, ab Ecclesia ei præbean-
„ tur. Unde non solum fructus beneficij,
„ sed etiam Distributiones quotidianæ ei de-
„ bentur. C. 2. „ Presbyter, cuius duo digiti
„ cum medietate palmæ abscissi sunt, Mis-
„ sam celebrare non permittitur; cæteris
„ autem Sacerdotalibus Officiis fungi mi-
„ nimè prohibetur. Hinc potest baptiza-
„ re, absolvere &c.

2. C. 3. 4. & 5. „ Rectores Ecclesiarum, etli-
„ Episcopi, si ob morbum nequeant offi-
„ cium suum exercere, ad cessionem com-
„ pelli